

故宮
珍本
集刊

御製本草品彙精要

三種
共二冊
等第一冊



故宮博物院編 海南出版社

故宮珍本叢刊第 369 冊中醫中藥

故宮博物院編

御製本草品彙精要
本草品彙精要續集
脈訣四言舉要

第一冊（共二冊）

海南出版社

圖書在版編目(CIP)數據

增廣太平惠民和劑局方/(宋)陳師友編. —影印本. —海口:海南出版社, 2000.10
(故宮珍本叢刊)

本書與“增廣太平和劑圖經本草藥性總論”等 55 種書合訂

ISBN 7-80645-740-2

I. 增… II. 陳… III. 方書-中國-宋代 IV. Z121.7

中國版本圖書館 CIP 數據核字(1999)第 68750 號

故宮珍本叢刊第 369 冊

中醫中藥

御製本草品彙精要 本草品彙精要續集 脈訣四言舉要

第一冊(共二冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23 印數:1-400 冊

ISBN 7-80645-740-2/Z·18

定價:3000 元(中醫中藥 56 種共 18 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

御製本草品彙精要

刪證類之繁以就簡去諸
家之訛以從正天產地產
煎成鍛成一按圖而形色
盡知載考經而功效立見
永登仁壽可垂遐遠

本草品彙精要

序

一

進本草品彙精要表

承德郎太醫院院判 臣 劉文泰 臣 王榮修職郎

太醫院御醫 臣 高廷和等謹以所修本草品彙

精要

進呈者 臣 等誠惶誠恐稽首頓首伏以民生有欲
式弘慮患之規

王道無偏克廣推仁之術益大聖亦克用乂雖小
道必有可觀顧茲本草之編寔自炎黃而起李

本草品彙精要

表

一

唐之上代有發明趙宋以來時加增正傳流已
越乎千載鋟梓奚啻乎數番柰何咨諏未遍於
遐方兼之詮釋徒拘於已見多或過於餽釘粗
祇識其皮膚遂俾千古不刊之書肆有累朝未
就之歎時將有待事豈徒然茲蓋伏遇

皇帝陛下

乃聖乃神

允文允武

虛心講學雖山川草木亦寧

留意生人暨鳥獸魚鱉咸若

無爲而治

有道之長邇者

慨醫道之中衰

命_臣等以復正顧惟朽質曷稱

淵謀筆札屢勤於

尙方指麾一出於

本草品彙精要

表

二

宸斷繼諸舊刻式用新圖躬鉛槧以冰兢撫心膺
而汗愧定異同互考夫諸說大較就簡以芟繁
辨真僞兼採夫群書時或補遺而輯畧用嚴君
臣使之別類分上中下之殊列部而系以條比
種而詳其地凡諸草石金玉之類毛蟲飛走之
形而大綱畢舉與夫性味氣質之偏助合反忌
之辨而細目俱陳于以成之有名斯萃薄言觀
者按圖可知是雖出於古人而寔備於

今日典彝攸在恭敬是將聊伸犬馬之忱敢謂無

遺於一得猥辱腹心之視庶期有補於萬分鄙

華陀終於不傳喟漢帝以爲無益竊惟醫流之

用藥譬則世主之掄才苟去取之未精寔存亡

之攸繫但_臣等媿非醫國之手冀

陛下勿忘苦口之言

居安以慮危原診而知政更期

萬幾之暇

本草品彙精要

表

三

善推所爲克俾一世之民咸躋于壽

元氣同天而不息

皇圖配地之無疆_臣等無任瞻

天仰

聖激切屏營之至謹以所修本草品彙精要四十二

卷外目錄一卷裝成三十六帙隨表上

進以

聞_臣等誠惶誠恐稽首頓首謹言

弘治十八年三月初三日承德郎太醫院院判^臣劉文泰等謹上表

本草品彙精要

表

四

奉

命纂修本草品彙精要官員職名

總督

司設監太監^臣張瑜

提調

中議大夫贊治尹通政使司右通政掌太醫院事^臣施欽

中憲大夫通政使司右通政同掌太醫院事^臣王玉

總裁

本草品彙精要

職名

五

承德郎太醫院院判^臣劉文泰

承德郎太醫院院判^臣王榮

修職郎太醫院御醫^臣高延和

副總裁

太醫院冠帶醫士^臣崔鼎儀

太醫院醫士^臣盧志

太醫院冠帶醫士^臣唐鉉

纂修

修職郎太醫院御醫臣施鑑

修職郎太醫院御醫臣劉珍

太醫院惠民藥局副使臣楊恒

本草品彙精要

職名

八

本草品彙精要

序例

本草之興神農既辨藥味而即有其目蓋載之三墳者也其三百六十五種取以應度數耳此即神農本經上藥一百二十種爲君主養命以應天無毒多服久服亦不傷人故有輕身益氣不老延年之說中藥一百二十種爲臣主養性以應人無毒有毒斟酌其宜故有遏病補虛益損之用下藥一百二十五種爲佐使主治病以應地多毒不可久服故有除寒熱邪氣破積聚愈疾之功逮後品第之者率由此也其伊尹湯液之興本乎神農仲景傷寒論作出諸湯液至梁陶隱居始進名醫別錄亦三百六十五種唐顯慶中命蘇恭李世勣等摭其差謬參考得失又增一百一十四種謂之唐本草宋開寶中詔劉翰馬志盧多遜李昉王祐扈蒙等又取醫家

本草品彙精要

序例

九

本草品彙精要

序例

十

嘗用有效者一百三十三種刊定而附益之謂之宋本先附蜀孟景命韓保昇等以唐本圖經稍加增廣世謂之蜀本草而漢唐宋千載之間三經刊者增補猶爲未當厥後宋之嘉祐二年復命掌禹錫等參究諸家本草再加校正補注而成名曰政和經史證類本草世傳既久經閱賢哲不爲不多每有識者病其繁亂卒不可正雖有衍義之興以其訛正並存用之難別及王

好古李明之朱彥修等皆作本草俱簡而畧

皇上嗣登

大寶十有六年嘗於

萬幾之暇亦

親覽之特

命_臣等刪繁補缺纂輯成書以便

觀覽然而

仁民愛物之心卽神農黃帝之心也掌太醫院事

右通政_臣施欽_臣王_臣玉院判_臣劉文泰_臣王_臣榮

御醫_臣高廷和等與同總督修輯太監_臣張_臣瑜

膺

命以來夙夜驚惕敢不竭庸聞庸見考證諸家之說

刪定補輯以副

聖意切維_臣等醫固職業所當司預者非

聖君簡命恐不能息偏執者之言又何以垂乎綿遠

也前代之人雖妍于辭章而方技之理恐有未

本草品彙精要

序例

十一

諳但_臣等才識淺陋不足以當

付任蓋陰陽五行形而上者也飛潛動植形而下

者也皇極經世觀物篇云五行之具各有相兼

飛走之情不無草木故石有水火之分水有木

石之異如斯之類不可不明品彙所生尤當識

別鳥獸蟲魚別胎卵濕化之生草木菓菜分叢

植散寄之長其神農本經朱書于前名醫別錄

墨書于次此蓋以舊本而參訂之者也嘗觀舊

本陶隱居已言于前日華子復注于次至於圖經宋按蜀本陳藏器一物之名言之二三一品之情序之再四唐本既已辯其垂衍義復以非其說陶言既知少當竟未刪除宗奭已鑒前非不能盡釋如此立言者尙昧其真考用者何所取據今則定爲二十四則採諸家之確論條陳于各則之下取舊本之精微叅注于今昔之右其圖經議論經前人之講究者也多有切當故書于前陶氏之言擇備于次日華子唐本蜀本云次第其詳藥性論衍義陳藏器各著其要但重疊薦贅者亦從而刪之是非未決者則考而擇用如吳普禹錫沈括諸人之言斗門博濟肘後等方之說不必盡言其人俱謂之別錄若近代用之獲効輿論照然者則曰謹按舊本不分者如獨沽羌活青皮陳皮白朮蒼朮青廣木香之類功効頗殊形質亦異皆各立其條舊本所

遺者若草果三賴八角茴香樟腦爐甘石之流亦繪圖增品此醫之所常用而世之不能無者其生長花葉形質性味先究之於用者貨者復訪之於土產之人一言而必叩其端未嘗已意增損其名請定

宸官

制曰本草品彙精要臣等稽首奉行是書既就非

敢欲超越前代但舊本之文而志士鴻儒則能

斟酌其是非新本之條雖初學庸材不待叅詳而卽悟大抵方技之書何須義理淵微治病之由貴乎功能易曉臣愚庸見如斯條陳次序于後

凡例

一本草品彙精要首玉石次草次木次人次獸次禽次蟲魚次果次米穀次菜每部悉遵神農本草經分為三品共四十二卷

一神農本草經朱書于前名醫別錄墨書于次庶不紊亂

一分二十四則一曰名紀別名也二曰苗叙所生也

三曰地載出處也四曰時分生採也五曰收書蓄

本草品彙精要

凡例

古

法也六曰用指其材也七曰質擬其形也八曰色

別青黃赤白黑也九曰味著酸辛甘苦鹹也十曰

性分寒熱溫涼收散緩堅輭也十一曰氣具厚薄

陰陽升降之能也十二曰臭詳腥膻香臭朽也十

三曰主專某病也十四曰行走何經也十五曰助

佐何藥也十六曰反反何味也十七曰製明炮燻

炙燂也十八曰治陳療疾之能也十九曰合治取

相與之功也二十曰禁戒輕服也二十一曰代言

假替也二十二曰忌避何物也二十三曰解釋何

毒也二十四曰履辨真偽也亦以朱書于上而各

墨書著于其下

一玉石按皇極經世書分天然人爲之異蓋金石之類天然者也鹽礬之類人爲者也今據經世書而分石水火土加金庶幾盡之

一草木穀菜果按皇極經世分草木飛走之四類其

草有草之草草之木草之飛草之走而木穀果菜

本草品彙精要

凡例

十五

並如是例以定物形

一草木之生不一今以特然而起者爲特生散亂而

生者爲散生植立而生者爲植生牽藤而緣者爲

蔓生寄附他木者爲寄生依麗牆壁者爲麗生自

泥淖中出者爲泥生各狀其形以便採用

一禽獸蟲魚分羽毛鱗甲羸爲五類每類又分胎卵

濕化之四生

一玉石草木禽獸蟲魚菜果米穀之類舊本雖有名

用而無形質者今悉博攷之繪圖增補

一有世所經用而舊本未載者如玉石之爐甘石鵝管石東流水甘爛水草之草果三賴木之樟腦八角茴香果之香圓馬檳榔平波八檐仁銀杏珠子必思荅米之豌豆青小豆菜之胡蘆甘露子蘑菇香菜薇菜胡蘿蔔天花菜禽之天鵝鵠鷓鴣水鷺獸之塔刺不花毫豬之類今則攷其形質性味各立其條增補各部之內

本草品彙精要

凡例

六

一有今名而異乎古稱者用必致疑今以通脫木爲木通木通爲通草假蘇爲荊芥薯蕷爲山藥之類悉改世所通稱之名

一有種同而用異者如薑石之有麥飯石獨沽之與羌活枸杞之與地骨樗木之與椿木葉胡麻之與巨勝木香之有青木香枯樓根之與枯樓實木之有蒼白芍藥之有赤白豺之與狼丹雄雞之與烏白雌雄之類皆各析其條使用者不難於揀用

一如大鹽戎鹽光明鹽綠鹽俱係鹽類取次於食鹽條後又如殷孽孔公孽石花石牀之類俱附於石鍾乳條後又如益智子鬱金香藿香皆草類也俱自木部移附草部阿魏牡丹盧會皆木也自草部移附木部龍眼椰子樞實皆果也自木部移附果部棠毬自外經移附果部凡係以類相從者率皆移就一部之中庶不乖紊

本草品彙精要

凡例

七

一舊本諸家注釋皆依漢唐宋年代先後次序今議圖經之說多爲切當是經前人所推究者也故首書之其餘如陶隱居日華子唐本蜀本陳藏器唐慎微等說必擇考其當者錄之其重言疊論皆不復瑣屑又衍義之言多能折中雖書其末實以正諸家之疑也又如近代李明之王好古朱彥修注釋藥味之言有切于治用者悉附于左一刪繁拾遺等本草之論及華陀吳普徐之才掌禹錫等注釋不須逐一詳名但曰別錄云

一藥有近代用効而衆論僉同舊本欠發揮者今攷著其詳則曰謹按

一天有陰陽風寒暑濕燥火三陰三陽上奉之溫涼寒熱四氣是也溫熱者天之陽也寒涼者天之陰也此乃天之陰陽也地有陰陽金木水火土生長化收藏下應之辛甘淡酸苦鹹五味是也皆象於地辛甘淡者地之陽也酸苦鹹者地之陰也此乃地之陰陽也味之薄者爲陰中之陽味薄則通酸苦鹹平是也味之厚者爲陰中之陰味厚則泄酸苦鹹寒是也氣之厚者爲陽中之陽氣厚則發熱辛甘溫熱是也氣之薄者爲陽中之陰氣薄則發泄辛甘淡平涼寒是也輕清成象本乎天者親上重濁成形本乎地者親下是以辛甘發散爲陽酸苦湧泄爲陰今於各品之下皆法東垣詳其陰陽以辨升降浮沉之理

一用藥法象有云風升生熱浮長濕化成燥降收寒

本草品彙精要

凡例

六

沉藏此五者明五行稟五氣之所生也故曰生物

者氣也成之者味也以奇生則成而耦以耦生則成而奇寒氣堅故其味可用以火熱氣爽故其味可用以堅風氣散故其味可用以收燥氣收故其味可用以散土者冲氣之所生冲氣則無所不和故其味可用以緩氣堅則壯故苦可以養氣脉更則和故鹹可以養脉骨收則強故酸可以養骨筋散則不攣故辛可以養筋肉緩則不壅故甘可以養肉堅之而後可以更收之而後可以散欲緩則用甘不欲則弗用用之不可太過太過亦生病今於各品之下的分生長收藏氣味厚薄以明五行五氣所稟而生也

本草品彙精要

凡例

九

一人部舊本不圖緣繪圖之設蓋以取其便於識用耳人身之物所同有者故不復繪

一如天名精之與地松蘩蕞之與雞腸草之類名雖不同其實一物者皆併去之仍類附於退出之次

一書方土生產多依唐宋地名欲更

當代郡縣恐先後不同難以考據今復考其世稱附

載卷末

本草品彙精要

凡例

二十

神農本草經例

上藥一百二十種爲君主養命以應天無毒多服久服不傷人欲輕身益氣不老延年者本上經中藥一百二十種爲臣主養性以應人無毒有毒斟酌其宜欲遏病補虛羸者本中經下藥一百二十五種爲佐使主治病以應地多毒不可久服欲除寒熱邪氣破積聚愈疾者本下經三品合三百六十五種法三百六十五度一度應一日以成一歲藥有君臣佐使以

本草品彙精要

神農本草經例

三

相宣攝合和宜用一君二臣三佐五使又可一君三臣九佐使也藥有陰陽配合子母兄弟根莖花實草石骨肉有單行者有相須者有相使者有相畏者有相惡者有相反者有相殺者凡此七情合和視之當用相須相使者良勿用相惡相反者若有毒宜制可用相畏相殺者不爾勿合用也藥有酸鹹甘苦辛五味又有寒熱溫涼四氣及有毒無毒陰乾暴乾採造時月生熟土地所出真偽陳新並各有法藥性有宜

丸者宜散者宜水煮者宜酒漬者宜膏煎者亦有一物兼宜者亦有不可入湯酒者並隨藥性不得違越欲療病先察其源先候病機五臟未虛六腑未竭血脉未亂精神未散服藥必活若病已成可得半愈病勢已過命將難全若用毒藥療病先起如黍粟病去即止不去倍之不去十之取去爲度療寒以熱藥療熱以寒藥飲食不消以吐下藥鬼疰蠱毒以毒藥癰腫瘡瘤以瘡藥風濕以風濕藥各隨其所宜病在胸

本草品彙精要

神農本草經例

三

膈以上者先食後服藥病在心腹以下者先服藥而後食病在四肢血脉者宜空服而在旦病在骨髓者宜飽滿而在夜夫大病之主有中風傷寒寒熱溫瘧中惡霍亂大腹水腫腸澼下痢大小便不通黃疸上氣咳逆嘔吐黃疸消渴留飲癖食堅積癥瘕驚邪癰癩鬼疰喉痹齒痛耳聾目盲金瘡跌折癰腫惡瘡痔瘻癰痛男子五勞七傷虛之羸瘦女子帶下崩中血閉陰蝕蟲蛇蠱毒所傷此大畧宗兆其間變動枝葉

各宜依端緒以取之

採用斤兩製度例

凡採用時月皆是建寅歲首則從漢太初後所記也其根物多以二月八月採者謂春初津潤始萌未衝枝葉勢力淳濃故也至秋枝葉乾枯津潤歸流於下今卽事驗之春寧宜早秋寧宜晚華實莖葉乃各隨其成熟爾

一古秤惟有銖兩而無分名今則以十黍爲一銖六

本草品彙精要

採用斤兩製度例

三

銖爲一分四分成一兩十六兩爲一斤雖有子穀拒黍之制從來均之已久正爾依此用之今方家所云等分者非分兩之分謂諸藥斤兩多少皆同爾先視病之大小輕重所須乃以意裁之凡此之類皆是丸散丸散竟依節度用之湯酒之中無等分也

凡散藥有云刀圭者十分方寸匕之一准如梧桐子大也方寸匕者作七正方一寸抄散取不落爲度

錢五七者今五銖錢邊五字者以抄之亦令不落
爲度一撮者四刀圭也十撮爲一勺十勺爲一合
以藥升分之者謂藥有虛實輕重不得用斤兩則
以升平之藥升方作上徑一寸下徑六分深八分
內散藥勿按抑之正爾微動令平調爾云一字者
爲二分半少許卽半字是矣

凡丸藥有云如細麻者卽胡麻也不必匾但令較畧
大小相稱爾如黍粟亦然以十六黍爲一大豆也

本草品彙精要

採用斤兩製度例

三

如大麻子者准三細麻也如胡豆者卽今青班豆
是也以二大麻子准之如小豆者今赤小豆也粒
有大小以三大麻子准之如大豆者以二小豆准
之如梧桐子者以二大豆准之一方寸匕散蜜和
得如梧子准十丸爲度如彈丸及雞子黃者以十
梧子准之

凡湯酒膏藥舊方皆云咬咀者謂秤畢擣之如大豆
又使吹去細末此於事殊不允當藥有易碎難碎

多末少末秤兩則不復均平今皆細切之較畧令
如咬咀者乃得無末而片粒調和也

凡丸散藥亦先切細暴燥乃擣之有各擣者有合擣
者並隨方所言其酒濕藥如天門冬乾地黄輩皆
先切暴獨擣令偏碎更出細擘暴乾若逢陰雨亦
以微火烘之既燥少停冷乃擣之

凡濕藥燥皆大耗當先增分兩須得屑乃秤之爲正
其湯酒中不須如此也

本草品彙精要

採用斤兩製度例

五

凡篩丸藥用重密絹令細於蜜丸易熟若篩散草藥
用輕疎絹於酒中服卽不泥其石藥亦用細絹篩
令如丸者

凡篩丸散藥畢皆更合於臼中以杵擣之數百過視
其色理和同爲佳也

凡湯酒膏中用諸石皆細擣之如粟米亦可以葛布
篩令調並以新綿別裏內中其雄黃朱砂輩細末
如粉

凡煮湯欲微火令小沸其水數依方多少大畧二十兩藥用水一斗煮取四升以此爲准然則利湯欲生少水而多取汁補湯欲熟多水而少取汁不得令水多少用新布兩人以尺木絞之澄去泥魚斬切濁紙覆令密溫湯勿用鐵器或如熟湯上煮令煖亦好服湯寧令小沸熱易下冷則嘔湧

凡云分再服三服者要令勢力相及并視人之強羸病之輕重以爲進退增減之不必悉依方說也

本草品彙精要

採用斤兩製度例

三

凡漬藥酒皆須細切生絹袋盛之乃入酒密封隨寒暑日數視其濃烈便可漉出不必待至酒盡也滓可暴燥微擣更漬飲之亦可

凡建中腎瀝諸補湯滓合兩劑加水煮竭飲之亦敵一劑新藥貧人可當依此用皆應先暴令燥

凡合膏初以苦酒漬令淹浹不用多汁密覆勿洩云晬時者周時也從今旦至明旦亦有止一宿者煮膏當三上三下以洩其熱勢令藥味得出上之使

布帛沸乃下之使沸靜良久乃止其中有薤白者以兩頭微焦黃爲候有白芷附子者亦令小黃色爲度豬肪皆勿令經水臘月者彌佳絞膏亦以新布絞之若是可服之膏膏滓亦可酒煮飲之可摩之膏膏滓則宜以傅病上此蓋欲兼盡其藥力故也

凡膏中有雄黃朱砂輩皆別擣細研如麵須絞膏畢乃投中以物疾攪至于凝強勿使沉聚在下不調

本草品彙精要

採用斤兩製度例

三

也有水銀者於凝膏中研令消散胡粉亦爾

凡湯酒中用大黃不須細剉作湯者先以水浸令淹浹密覆一宿明旦煮湯臨熱乃內湯中又煮兩三沸便絞出則勢力猛易得快利丸散中用大黃舊皆蒸之今不須爾

凡湯中用麻黃皆先別煮兩三沸掠去其沫更益水如本數乃內餘藥不爾令人煩麻黃皆折去節令理通寸剉之小草瞿麥五分剉之細辛白前三分